

Dukunde gusoma

Inkuru ya 15 na 16



Icapwa rya kabiri

IJAMBO RY'IBANZE

Barimu, babyeyi,

Aka gatabo karimo udukuru tugufi abanyeshuri bisomera. Utwo dukuru twanditswe kugira ngo dufashe abanyeshuri kwisomera ubwabo hakiri kare no gushyira mu bikorwa ibyo bize mu ishuri. Utu dutabo tuzafasha cyane abanyeshuri biga mu mwaka wa mbere w'amashuri abanza.

Utwo dukuru twanditswe bwa mbere na REB, turi mu dutabo 12. Buri gatabo karimo udukuru tubiri tujyanye n'inyuguti zizwe. Buri gakuru kajyanye n'inyuguti cyangwa igihekane gishya kizwe. Iyo umwarimu yigishije inyuguti nshya, abanyeshuri baba bakeneye gusoma amagambo menshi arimo iyo nyuguti.


Abanyeshuri ntibagomba gutegereza gusoma utu dutabo ari uko bize inyuguti cyangwa ibihekane byose kubera ko inkuru zanditsemo zirimo inyuguti bize gusa. Ni yo mpamvu, iyo abanyeshuri bamaze kwiga urugero inyuguti ya R, bashobora gutangira gusoma amagambo yoroshye nka 'ururo' cyangwa 'ararira'. Agatabo ka mbere karimo amagambo nk'ayo gusa ku buryo bifasha abana gutangira gusoma hakiri kare.


Shishikariza abanyeshuri gutira utu dutabo mu isomero ry'ishuri kandi badutahane mu rugo, badusome ku giti cyabo cyangwa badusomere abo babana. Babaze ibibazo bibafasha kumva ibyo basomye. Bashishikarize kandi gufata neza utu dutabo.

Umuyobozi w'Urwego rw'Igihugu rushinzwe Uburezi bw'Ibanze.


Inkuru ya 15

Baguze utumodoka







Dina na Cacana bazagura
utumodoka.



Dore Dina aradoda uturido.
Dina adoda yihuta.




Dina aradodora urudodo
rudoze nabi.




Dina aratoza Cacana kudoda.




Cacana na Dina badoda neza
udusogisi duto.



Bose ni abadozi beza.



Dina na Cacana bacuruza
udusogisi.



Dina na Cacana baguze
utumodoka.

Baguze utumodoka

Amagambo y'ingenzi

utumodoka kudoda uturido
aradodora urudodo udusogisi
rudoze Dina dore

Umubyeyi cyangwa undi muntu mukuru ubana n'umunyeshuri, asabwa kumufasha gukora umukoro wo gusoma agakuru no gusubiza ibibazo bijyanye na ko.

Ibibazo byo kumva agakuru

1. Dina na Cacana bazagura iki?
2. Ni nde udoda uturido?


Inkuru ya 16

Ifi isaba ifoto






Fayida yagiye kuvoma.



Fayida abona amazi afite isuku.
Fayida abona ifi mu mazi.



Fayida afotora amazi.



Ifi irarakara.

Ifi yifuza ko Fayida ayifotora.



Ifi irabaduka.



Ihagarara hafi ya Fayida.
Fayida yicecekera adaseka.



Ifi irataruka yikoza mu bicu.



Ifi yifata neza.
Fayida aca bugufi afotora ifi.

Ifi isaba ifoto

Amagambo y'ingenzi

Ifi	afotora	yifuza
hafi	yifata	bugufi
ayifotora	afite	Fayida

Umubyeyi cyangwa undi muntu mukuru ubana n'umunyeshuri, asabwa kumufasha gukora umukoro wo gusoma agakuru no gusubiza ibibazo bijyanye na ko.

Ibibazo byo kumva agakuru

1. Fayida yabonye he ifi?
2. Ifi yifuzaga iki?

© 2023 Urwego rw'Igihugu rushinzwe Uburezi bw'Ibanze

Uburenganzira bw'umuhanzi w'ibikubiye muri iki gitabo, bufitwe n'Urwego rw'Igihugu rushinzwe Uburezi bw'Ibanze (REB).

Iki gitabo cyashyizwe ahagaragara bwa mbere ku nkunga ya Amerika ibinyujije mu Kigo cya Leta Zunze Ubumwe z'Amerika Gishinzwe Iterambere Mpuzamahanga (USAID). Ibitekerezo bigikubiyemo si ibya USAID cyangwa Guverinoma ya Leta Zunze Ubumwe z'Amerika. Iki gitabo cyashyizwe ahagaragara bwa kabiri ku nkunga ya Banki y'Isi.

Abanyeshuri bashobora gusoma

Baguze utumodoka

Ifi isaba ifoto



Nyuma yo kwiga
inyuguti ya **d/D**



Nyuma yo kwiga
inyuguti ya **f/F**

Udukuru dukubiye muri aka agatabo turimo amagambo agizwe gusa n'inyuguti abanyeshuri bamaze kwiga. Abanyeshuri bashobora kwisomera utu dukuru bo ubwabo nyuma yo kwiga inyuguti zigaragara hejuru. Kubera ko hari igitabo gisanzwe cy'umunyeshuri, aka gatabo gakubiyemo ubwoko bw'udukuru tw'inyongera umunyeshuri azajya asoma ku giti ke kugira ngo akomeze akore indi myitozo yo kwimenyereza gusoma inyuguti yize. Umubyeyi cyangwa undi muntu mukuru ubana n'umunyeshuri asabwe kujya afasha umunyeshuri gusoma agakuru no kumubaza ibibazo bijyanye na ko byateganyijwe.